

## CYD-BWYLLGOR CORFFOREDIG Y CANOLBARTH

Dydd Llun 29 Ionawr 2024

### ADRODDIAD Y PRIF SWYDDOG GWEITHREDOL

Teitl yr Adroddiad: Cynllun Corfforedig Drafft 2023-2028 – Adborth i'r Ymgynghoriad.

<b>Diben yr Adroddiad</b>	Darparu adborth i ganlyniad yr ymgynghoriad sy'n berthnasol i Gynllun Corfforedig Drafft CBCC a chadarnhau, yn amodol ar gymeradwyo'r adolygiadau, y ddogfen derfynol sydd i'w mabwysiadu a'i chyhoeddi.
<b>Penderfyniad a Geisiwyd:</b> Cymeradwyo Cynllun Corfforaethol ac Asesiad Effaith terfynol ar gyfer eu cyhoeddi.	
<b>Awdur yr Adroddiad</b>	Eifion Evans – Prif Swyddog Gweithredol Cyd-bwyllgor Corfforedig y Canolbarth
<b>Swyddog Cyllid</b>	Duncan Hall – Swyddog Adran 151
<b>Swyddog Cyfreithiol</b>	Clive Pinney – Swyddog Monitro

#### Cefndir

Ymhellach i'r adroddiad a gyflwynwyd i Gyd-Bwyllgor Corfforedig y Canolbarth a gynhaliwyd ar 12 Hydref 2023, cafodd ymarferiad ymgynghori sylweddol, a oedd yn berthnasol i'r Cynllun Corfforaethol Drafft 2023-2028, ei weithredu. Roedd yr ymgynghoriad yn cynnwys ymarferiad ymgysylltiad cyhoeddus digidol ochr yn ochr â gwahoddiadau i bobl penodol a oedd yn cael eu hymgyngori, er mwyn annog ymateb eang. Mae rhestr o'r bobl penodol a oedd yn cael eu hymgyngori wedi ei hatodi (Atodiad 1). Gwnaeth yr ymgynghoriad bara chwe wythnos.

Mae'r ymatebion manwl a dderbyniwyd wedi eu hatodi at yr adroddiad hwn (Atodiad 2). Mae'r prif themâu a ddynodir yn cynnwys cydnabyddiaeth fod angen i'r rhanbarth ddatblygu atebion pwrpasol i'r heriau a wynebir yn y rhan hon o Gymru. Er nad yw Cynllun Corfforaethol CBCC yn ceisio mynd i'r afael â'r holl bryderon a godwyd, mae rhan fwyaf o'r materion yn derbyn sylw mewn cynlluniau eraill fel Bargen Twf Canolbarth Cymru, a Strategaeth Ynni Canolbarth Cymru. Ar ôl i'r Aelodau ystyried yr adborth a chymeradwyo unrhyw newidiadau, y bwriad yw mabwysiadu'r ddogfen yn ffurfiol fel Cynllun Corfforaethol CBCC. Y bwriad gwreiddiol oedd bod y Cynllun yn cynnwys y cyfnod 2023-2028, fodd bynnag, yn sgil problemau amseru, nid oedd yn bosibl cwblhau'r ymarfer oddi fewn i un flwyddyn galendr. Felly, argymhellir y caiff y ddogfen ei therfynu a'i mabwysiadu yn 2024 a chael teitl newydd sef Cynllun Corfforaethol CBCC 2024-2029.

Y bwriad yw ailymweld â'r Cynllun yn rheolaidd i sicrhau ei fod yn adlewyrchu newidiadau i amgylchiadau sy'n ymddangos, gan gynnwys deddfwriaethu a chyfarwyddyd.

Yn unol â'r cyfarwyddyd, mae'r Cynllun wedi bod yn destun Asesiad Effaith gan ddefnyddio proses a thempled Cyngor Sir Powys. Caiff hwn ei asesu a gofynnir i aelodau gymeradwyo'r Asesiad Effaith ar ddiwedd yr adroddiad hwn (Atodiad 4).

### **Adborth i'r Ymgynghoriad**

Prin fu'r ymatebion i'r ymgynghoriad ond efallai fod hynny'n adlewyrchiad o natur strategol y ddogfen. Bwriedir i'r Cynllun osod cyfeiriad strategol eang, ac er y bydd cynlluniau manwl mwy penodol yn ymddangos yn y dyfodol, caiff ei gydnabod mai ychydig o fanylion ymarferol sydd yno i roi sylwadau arnynt yn ystod y cam hwn o ddatblygiad CBCC.

Ni dderbyniwyd unrhyw adborth oddi wrth Lywodraeth Cymru na Swyddfa Archwilio Cymru.

Mewn termau cyffredinol, mae'r adborth a dderbyniwyd wedi bod yn ddefnyddiol gan fod sylwadau'n dangos dealltwriaeth o'r amrywiol heriau sy'n wynebu'r rhanbarth. Cafodd pob ymateb ystyriaeth ofalus gyda sylwadau penodol yn cael eu darparu am y cynnwys, a gellir gweld manylion y rheini yn Atodiad 2.

Fel y bydd aelodau yn ei nodi, mae'r ymatebwyr wedi dewis aros yn ddiennw ac felly yr adroddiad hwn yw'r modd y caiff cyfranwyr weld cydnabyddiaeth y Bwrdd.

### **Adborth Cyffredinol**

Diolchir i'r ymatebwyr am yr amser a'r ymdrech y gwnaethant eu rhoi mewn perthynas â'r ymgynghoriad. Caiff yr ymatebion eu rhannu hefyd, ble y bo'n briodol, ag Aelodau a Swyddogion y mae eu gwaith wedi ei gynnwys gan y pynciau hyn fel y Fargen Twf, Partneriaeth Sgiliau, ac ati. Mae Swyddogion Arweiniol hefyd wedi manteisio ar y cyfle i roi sylwadau pellach i sicrhau bod y derminoleg a'r cyfeiriadau technegol mor gyffredol ag sy'n bosibl.

Mae hyn wedi cynnwys cyflwyno rhai llinellau amser ac atebolrwydd oddi fewn i'r Cynllun Gweithredu.

### **Y Ffordd Ymlaen**

Caiff Cynllun Corfforaethol ei atodi i Aelodau eu hystyried a'u cymeradwyo ochr yn ochr â'r Asesiad Effaith (Atodiadau 3 a 4). Yna, bydd y Cynllun yn cael ei gyhoeddi ar wefannau partner a'u rhannu ag ymgynghorai gan gynnwys cyrff statudol.

### **Effeithiau Ariannol**

Bydd mabwysiadu a chyhoeddi'r Cynllun yn arwain at gost pellach minimal. Ni fwriedir cynhyrchu copi caled i'r Cynllun i gadw'r gost i'r isafswm pan gaiff y ddogfen ei hadolygu a'i diweddarau.

### **Asesiad Effaith**

Gweithredwyd Asesiad Effaith drafft gan ddefnyddio proses a thempled Powys. Cafodd Asesiad Effaith Powys ei ddatblygu gan sicrhau cydymffurfiaeth lwyr â pholisi a chanllawiau Llywodraeth Cymru.

## **Effeithiau ar y Gweithlu**

Ymgymerir â'r gwaith sy'n gysylltiedig â gweithredu'r Cynllun Corfforaethol yn y dyfodol oddi fewn i gapasiti'r adnoddau sydd eisoes mewn lle. Cafodd yr is-bwyllgorau sy'n gyfrifol am wneud cynnydd i'r cynlluniau gweithredu a ddynodwyd yn yr adroddiad, eu darparu â rheolaeth a chymorth gweinyddol priodol.

## **Effeithiau ar Reoli Risg**

Er nad oes yna ofyniad cyfreithiol i gynhyrchu Cynllun Corfforaethol i'r Cyd-bwyllgor Corfforedig, eto y mae'n ddisgwyliad gan Lywodraeth Cymru, er mwyn arddangos ymrwymiad a chynnydd yn erbyn gofyniad cyfreithiol i sefydlu Cyd-Bwyllgorau Corfforedig rhanbarthol. Gwnaeth adroddiad diweddar Comisiwn Archwilio Cymru ddynodi ymrwymiad oriog ledled Cymru tuag at ddatblygu cynlluniau gwaith Cyd-Bwyllgorau Corfforaethol. Wrth gynhyrchu'r Cynllun Corfforaethol ar gyfer Canolbarth Cymru, bydd y rhanbarth yn sicrhau ei fod yn gallu arddangos y cynnydd a'r ymrwymiad priodol.

## **Ymgynghoriad**

Mae'r adroddiad hwn yn dod â'r broses ymgynghori i ben mewn perthynas â Chynllun Corfforaethol y Cyd-Bwyllgor Corfforedig.

## **Rhesymau dros y penderfyniad arfaethedig**

Galluogi'r Cynllun Corfforaethol drafft i gael ei fabwysiadu.

## **Gweithredu'r Penderfyniad**

Caiff y penderfyniad hwn ei weithredu ar unwaith.

## **Atodiadau**

1. Rhestr o'r sawl a gafodd eu hymgyngori'n swyddogol (yr ymgynghorai)
2. Ymatebion i'r ymgynghoriad
3. Cynllun Corfforedig Diwygiedig CBCC 2024-2029
4. Asesiad Effaith y Cynllun Corfforaethol